

## Taageerida Da'yarta Ingiriiska Baranaysa ayadoo la adeegsanaayo Waydiimo iyo Jawaabo ku saabsan Qoraal Xog bixinaaya

Shaybaarada Waxbarashada ee Gobalka Galbeed, Waqooyi galbeed, Waqooyi Bari iyo Jasiiradaha

*Ka timid Xarunta Qaran ee Qiimaynta Waxbarashada ee IES*

Qoysaska iyo daryeelayaasha, waxaad door muhiim ah ka ciyaaraysaa waxbarashada luuqada cunugaaga. Carruurta waxay xoojin karaan luuqadooda maalin kasta ayagoo waydiinaaya kana jawaabaaya su'aalo ku saabsan mawduuc ama qoraal xog bixinaaya. Inta lagu jiro shaqadaan, waxaad waydiin doontaa cunugaaga inuu ka hadlo waxa uu akhriyo, maqlo, ama ka ogaado mawduuc ama qoraal xog bixinaaya.

Niyada kuhaay:

- Adigga iyo cunugaagu waxaad adeegsan kartaan luuqadaada hooyo ama Ingiriis, hadba kii kuugu xoog badan adigga.
- Ku waydiinta iyo uga jawaabida su'aalaha luuqadaada hooyo ayaa sidoo kale ka caawinaysa cunugaaga inuu barto Ingiriiska.
- Waqtigaan la qaado cunugaaga. Wax isla barashadu waa baashaal!

## Maxaad u waydiinaysaa ugana jawaabaysaa su'aalo ku saabsan mawduuc ama qoraal xog ah?

Waydiin iyo ka jawaabida su'aalo ku saabsan mawduuc ama qoraal xog ah waxay u sahlayaa carruurta inay adkeeyaan luuqadooda.

### Aan biloowno!

Raac tallaabooyinka soo socda. **Gadaal ka fiiri fikradaha qoraalka xogta bixinaaya iyo firadaha taageerooyinka dheeraadka ah ee luuqada.**



- ▶ **Talaabada 1 aad: La wadaag** ama **la akhri** qoraal xog bixinaaya cunugaaga, sida xayawaanada, cunto, ama wax uu wax ka baranaayo ama xiisaynaayo.



- ▶ **Talaabada 2 aad: Waydii su'aalo** kahor, inta lagu jiro, iyo kadib akhrinta qoraal xog ah.

- Ka caawi cunugaaga “balaarinta luuqadiisa.” Haddii cunugaagu uga jawaabo su'aalahaaga hal eray, waydii inuu erayo kale ku daro jawaabtiisa. Tusaale ayaad ka siin kartaa arrintaan.
- Waydii su'aalaha dulmarka ah iyo kuwa macnaha hoose. Su'aalaha dulmarka ah ayaa ka caawinaaya cunugaaga inuu xasuusto waxa uu ka akhriyo qoraalka. Tusaale: *Muxuu qoraalku ka hadlaayay?* Su'aalaha qotoda dheer waxay ka caawinayaan cunugaaga inuu ka fakaro qoraal uuna aruursho fikrado. Tusaale: *Maxaa ugu xiiso badnaa qoraalkaan? Sababta?*



- ▶ **Talaabada 3 aad: Ku dhiiri geli** cunugaaga inuu **sawiro ama qoraal la sameeyo** xogta mawduucaan.

**Yoolka Waxbarashada:** Carruurta waxay xoojin doonaan xirfadahooda luuqada hadalka.

**Buundooyinka:** Fasalka birimada–3aad

**Agabka:** Mawduuc ama xog qoraal ah oo aad doonayso inaad la wadaagto cunugaaga: waraaq iyo qalimaanta midabka, qalin qori, ama qalin koobi

Shaqada Qoyska iyo Daryeelaha: Taageerida Da'yarta Ingiriiska Baranaysa ayadoo la adeegsanaayo Waydiimo iyo Jawaabo ku saabsan Qoraal Xog bixinaaya

### Noocyada Qoraalka Xogta ee aad U akhrin karto Kalana Sheekaysan karto Cunugaaga

- Buugaagta, muuqaallada, ama webseedyada wadaaga xaqiiqooyinka ku saabsan wax (xayawaannada, miraha, cimilada, ciyaaraha, iwm.)
- Shaqada dugsiga
- Bokisyada seeriyaalka
- Maqaallada wargayska
- Qoraalka lagasoo qaado wargayska
- Tilmaamaha/Tilmaamaha (sida loo ciyaaro ciyaar, loogu shaqeeyo boonbile cusub, iwm.)

### Taageerooyinka Dheeraadka ah ee Luuqada

Cunugaaga ayaa balaarin kara ama kobcin kara luuqadiisa marka uu ku waydiinaayo kana jawaabaayo su'aalo ku saabsan mawduuc ama qoraal xog ah. Iskuday inaad adeegsato su'aalaha iyo jawaabaha hoose intaad kala hadlayso qoraalka xogta ah cunugaaga.

Su'aalaha Dulmarka ah oo aad ka waydiinayso Mawduuc ama Qorala Xog ah	Jawaabaha Laga Bixin karo
Muxuu qoraalku nooga sheegayaa ___?	Qoraalkaan wuxuu ku saabsanaa ___.
Maxaad marhoraba ka ogayd ___?	Horay ayaan u ogaa ___ xogta ___.
Maxaad la yaaban tahay ___?	Waxaan la yaabaa ___ iyo ___.
Maxay ___ u dhacday? Sidee ayaan ku ogaanaynaa?"	Waxaan u malaynayaa in arintaani u dhacday sabab la xariirta ___.

Su'aalaha qotoda dheer ood Ka waydiinayso Mawduuc ama Qorala Xog ah	Jawaabaha Laga Bixin karo
Ka waran haddii ___?	Waxay ila tahay ___ waayo ___.
Maxaa ugu xiiso badnaa qoraalkaan? Sababta?	_____ ayaa ugu xiiso badan waayo _____.
Maxaad ka baratay qoraalka?	Laga bilaabo qaybtaan qoraalka, “ _____,” Waxaan bartay _____.

### Xujada Luuqada:

Carruurta waxay xoojin karaan luuqadooda maalin kasta ayagoo waydiinaaya kana jawaabaaya su'aalo ku saabsan mawduuc ama qoraal xog bixinaaya. Hadda oo cunugaagu ka jawaabay **su'aalaha**, ku boori inuu **ku waydiiyo su'aalo** aad adigu ka jawaabayso oo ku saabsan mawduuc ama qoraal xog ah. Carruurta way abuuri karaan su'aalo iskood ah si ay kuu waydiiyaan ama waxay adeegsan karaan qaar kamid ah su'aalaha ku jira shaxda kore. Waydiinta su'aalo waxay u sahlaysaa carruurta inay balaarshaan luuqadooda isticmaalkooda maalin laha ah.

